

礼记注疏

第一
卷
第九
册

附釋音禮記注疏卷第六

檀弓上第三

陸曰檀弓魯人檀大丹反姓也弓名以其善於禮故以名篇

疏

正義曰案

鄭曰錄云名曰檀弓者以其記人善於禮故著姓名以顯之姓檀名弓今山陽有檀氏此於別錄屬通論此檀弓在六國之時知者以仲梁子是六國時人此篇載仲梁子故知也案子游譏司寇惠子廢適立庶又檀弓亦譏仲子舍適孫而立庶子其事同不以子游名篇而以檀弓爲首者子游是孔門習禮之人未足可嘉檀弓非是門徒而能達禮故善之以爲篇

禮記

鄭氏注

孔穎達疏

公儀仲子之喪檀弓免焉

故爲非禮以非仲子也禮朋友皆在他邦乃袒

免。公儀仲子公儀氏仲子字魯之同姓也其名未聞免音

問注同以布廣一寸從項中而前交於額上又卻向後繞於

髻祖仲子舍其孫而立其子

此其所立非也公儀蓋魯同姓周禮適子

死立適孫爲後。舍音捨下皆同適多歷反下皆同

檀弓曰何居我未之前

聞也

居讀爲姬姓之姬齊魯之間語助也前猶故也。居音毆下同

趨而就子服伯

子於門右曰仲子舍其孫而立其子何也

賔

位就主人兄弟之賢者而問之子服伯子蓋仲孫蔑之玄孫子服景伯蔑魯大夫。蔑音芒結反。

伯子曰

仲子亦猶行古之道也昔者文王舍伯邑考

而立武王微子舍其孫臚而立衍也夫仲子

亦猶行古之道也

伯子爲親者隱耳立子其也文之立武王權也微子適子死立其弟

衍殷禮也。臚徐本作適徒本反又徒避反衍以善反爲于僞反下爲晉禮爲爲師同。

子游問諸

孔子孔子曰否立孫

據周禮。孔子曰否絕句

疏

正義曰此一

節論仲子廢適立庶爲檀弓所譏之事公儀仲子而身今喪亡檀弓與之爲友又非處他邦爲之著免故爲重服譏其失禮所以譏者仲子適子既死舍其適孫而立其庶子檀弓居在賓位而言自何居居是語辭言仲子舍適孫立庶子是何

道理乎我未之前聞前猶故也言我未聞故昔有此事既言
之後乃從賓位趨而就子服伯子於門右問之曰仲子舍其
適孫而立庶子是何禮也伯子爲仲子隱諱乃言曰仲子雖
生周世猶上行古之道也言亦者餘人有行古之道仲子亦
如餘人故云亦也即引文王微子之事爲古之道也更繼之
云仲子亦猶行古之道與文王微子無異子游以此爲疑問
諸孔子孔子以仲子周人當從周禮不得立庶子當立孫也
○注禮朋友至祖免。正義曰知者喪服記云若他邦來還
家而無主猶爲之免故鄭注云歸有主人乃已明無主猶祖
免也若朋友俱在家則弔服加麻加麻者素弁上加緦之環
經若一在一否亦然知者以云皆在他邦乃祖免明不皆在
者則否。注公儀蓋魯同姓。正義曰知者案史記魯相公
儀休此云子服伯子是魯人故疑魯同姓也知同姓者以春
秋有公烏公若公儀同稱公故知同姓也。注去賓至大夫
正義曰案賓位之法隨主人而變小斂之前主人未忍在主
位有事在西階下則賓亦入門西弔於西階下故士喪禮君
使人弔主人拜送拜賓即位西階下東面鄭云未忍即主人
位也小斂之後尸則出堂廉然後有飾主人位則在阼階下
西面賓弔者入門東於東階下弔也故士喪禮小斂訖故士
舉男女奉尸俛於堂主人降自西階即位踊襲經于序東鄭

云即位踰東方位也則衆主人不接賓發初在東耳而檀弓之來者當在小斂之前初于西階行譏弔而主人未覺後乃趨嚮門右問伯子焉必知小斂前者以仲子初喪即正適庶之位故也未小斂而著免者故爲非禮之弔亦異常也然則子游之弔惠子是小斂後也故服衰而直門東故鄭云大夫家臣位在賓後又云在門內北面云子服伯子蓋仲孫蔑之玄孫子服景伯者家世本獻子蔑生孝伯孝伯生惠伯惠伯生昭伯昭伯生景伯云蓋者彼云子服景伯此云子服伯子不同故云蓋景是諡伯是字也。注文王之立武王權也。正義曰案文王在殷之世殷禮自得舍伯邑考而立武王而言權者殷禮若適子死得立弟也今伯邑考見在而立武王故云權也故中侯云發行誅紂且弘道也是七百年之基也

○事親有隱而無犯

隱謂不稱揚其過失也無犯不犯顏而諫論語曰事父母

幾左右就養無方

左右謂扶持之力猶常也子則然無常人。左右徐上音佐下音佑今並

如字下同養以尚反下同

服勤至死致喪三年

謂戚容稱其服也致勤勞辱之事也致

凡此以恩爲制。稱尺證反

事君有犯而無隱

既諫人有問其國政者可以語其得

失若齊晏子爲晉叔向言之。語魚

左右就養有方

不

官服勤至死方喪三年

方喪資於事父

事師無犯

無隱左右就養無方服勤至死心喪三年

心喪戚容如父而無服也

疏

事親至三年。正義曰此一

凡此以恩義之間爲制。

節論事親事君及事師之法

臣子著服之義各依文解之。

注無犯至幾諫。正義曰據

親有尋常之過故無犯若有大惡亦當犯顏故孝經云父有

爭子則身不陷於不義是也論語曰事父母幾諫是尋常之

諫也。注左右至常人。正義曰凡言左右皆據僕從之臣

故立有左右僕從之官位此左右言扶持之謂子在親左相

右相而奉持之云子則然無常人然猶如是也但是子則須

如是或左右奉持不常遣一人在左一人在右故云無常人

。注勤勞至爲制。正義曰言服勤者謂服持勤苦勞辱之

事故云致謂戚容稱其服也者致之言至也謂哀情至極而

居喪禮故云致謂戚容稱其服也上曲禮云五十不致毀與

此同云凡此以恩爲制者凡上三事對下君與師故云以恩

爲制。注既諫至言之。正義曰知既諫而後人有問其國

事

政可以語其得失者昭三年左傳云晏子謂景公曰小人近市朝夕得所求景公曰子近市何貴何賤於是景公繁於刑有鬻踊者故對曰踊貴履賤諫景公重刑後及其聘晉與叔向言齊國之政將歸陳氏景公厚敘焉陳氏厚施焉是既諫得言君之過若其未諫而言君過則不可故昭三年子大叔如晉張趯與子大叔言云火星中而寒暑退此其極也能無退乎未曾諫君輒言君德之退故傳云張趯有知其中在君子之後乎是其被譏也魯昭公取同姓孔子不仕昭公既先諫所以論語稱孔子爲昭公諱而稱丘也過者聖人含引勸獎摯過歸己非實事也若史策書理則不一若其良史直筆不隱君過董狐書趙盾弑君及丹楹刻桷之屬是也若忠順臣則諱君親之惡者春秋辟諱皆是故僖元年左傳云諱國惡禮也。注不可侵官。正義曰案成十六年左傳云晉楚戰于鄢陵時欒書將中軍欒鍼爲首侯車右晉侯陷於淖欒書將載晉侯鍼曰書退侵官冒也失官慢也離局姦也時欒書奔元帥之任欲載晉侯是侵官也故云不可侵官此謂君有平常小事若有危難當致死故論語云事君能致其身。注方喪資於事父。正義曰方謂比方也謂比方父喪禮以喪君故云資於事父資取也取事父之喪禮以喪君但居處飲食同耳不能戚容稱其服。注心喪至爲制。正義曰凡

親有冥造之功又有生育之惠故懷哀戚之痛同君哀服之
限君則徒有榮身顯親之事而無冥造生育之功故唯服靈
衰表盡哀戚師則以恩愛成已有同於親故不爲制服故云
心喪戚容如喪父爲恩愛成已故也云而無服者旣無親之
冥造又無君之榮顯故無服也云以恩義之間爲制者無犯
是同親之恩無隱是同君之義兼有親恩君義故言恩義之
聞爲制但子之事親本主恩愛不欲聞親有過惡故有隱不
欲違親顏色故無犯臣之事君利在功義若有惡不諫社稷
傾亡故有犯君之過惡

衆所同知故云無隱也

○季武子成寢

武子魯公子季友之曾孫季孫

鳳杜氏之葬在西階之下請合葬焉許之入

宮而不敢哭武子曰合葬非古也自周公以來

未之有改也

自見夷人家墓以爲寢欲文過之○葬徐才浪反又如字合如字徐音閤後合葬皆

同文如字

徐音閤

吾許其大而不許其細何居命之哭

記此者善其疏之季武至之哭○正義曰此一節明不奪人不奪人之恩

不奪人之恩

疏之季武至之哭○正義曰此一節明不奪人不奪人之恩兼論夷人家墓爲寢欲文過之事各

隨文解之。○注武子至孫夙。○正義曰案世本公子友生齊仲齊仲生無逸無逸生行父行父生夙夙是公子友魯孫也。○注自見至文過。○正義曰言文過者武子自云合葬之禮非古昔之法從周公以來始有合葬至今未改我成寢之時謂此冢墓是周公以前之事不須合葬故我夷平之以爲寢不肯服理是文飾其過先儒皆以杜氏喪從外來就武子之寢合葬與孔子合葬於防同又案晏子春秋景公成路寢之臺逢於阿盆成逆後喪並得附葬景公寢中與此同也。○吾許至何居。○吾許其大者聽之將喪而入葬是許其大不許其細哭是細也何居居語辭既許其大而不許其細是何道理故云。○子上之母死而不喪。○子上孔子曾孫子思何居。○子上孔子曾孫子思

○不喪如字下同徐息浪反下放此似音急子思名也孔子之孫

門人問諸子思曰

昔者子之先君子喪出母乎曰然

禮爲出母期父卒爲父後

者不服耳。○期居宜反本又作暮後放此

子之不使白也喪之何也子

思曰昔者吾先君子無所失道道隆則從而

隆道汚則從而汚

汚猶殺也。有隆有殺，進退如禮。隆，力中反。盛也。汚音烏。下同。殺所戒反。

又所例反下同

伋則安能

自予不能及。予，羊許反。許也。一云我也。又音餘。

爲伋也

妻者是爲白也。母不爲伋也。妻者是不爲白

也。母故孔氏之不喪出母，自子思始也。

記禮所由發非

之疏

子上至始也。正義曰：此一節論子上不喪出母之事，各隨文解之。注禮爲至服耳。正義曰：案喪服

齊衰杖期，章出妻之子爲母。又云：出妻之子爲父後者，則爲出母。無服傳云：與尊者爲一體，不敢服其私親是也。子思既在子上，當爲出母有服。故門人疑而問之云：子之先君子謂孔子也，令子喪出母乎？子思曰：然。然猶如是也。言是喪出母故也。伯魚之母被出，死期而猶哭，是喪出母也。子思至而汚，道猶禮也。言吾之先君子無所失，道道有可隆，則從而隆。謂父在爲出母，宜加隆厚爲之著服。道汚者，汚猶殺也。若禮可殺，則從而殺，謂父卒子爲父後，上繼至尊，不敢私爲出母。禮當減殺，則不爲之著服。伋則安能者，子思自以才能淺薄，不及聖祖，故云伋則何能。鄭云：自予不能及，予猶許也。自

許不能及也

○孔子曰拜而后稽顙顙乎其順也

此殷

之喪拜也顙順也先拜實順於事也。顙素黨反替顙觸地無容顙徒回反

稽顙而后拜順

乎其至也

此周之喪拜也顙至也先觸地無容哀之至顙音悲惻隱之貌又音議觸音昌欲反

三年之喪吾從其至者

重者尚哀戚自期如殷可

疏

孔子至至者。正義

曰此一節論殷周喪拜之異也拜者主人孝子拜賓也稽顙者觸地無容也顙然不逆之意也拜是爲實稽顙爲已前賓後已各以爲顙然而順序也。稽顙而后拜顙乎其至也者順側隱貌也先觸地無容後乃拜實也是爲親痛深貌惻隱之至也。三年之喪吾從其至者孔子詩二代所拜也至者謂先稽顙後拜也重喪主貌惻隱故三年喪則從其顙至者也。注重者至殷可。正義曰三年之喪尚哀戚則從周自期以下如殷可此經直云拜而后稽顙稽顙而后拜鄭知拜而后稽顙是殷之喪拜稽顙而后拜是周之喪拜者於孔子所論每以二代相對故下檀弓云殷人既封而弔周人反哭而弔殷以慤吾從周又云殷朝而殯於祖周朝而遂葬皆以殷周相對故知此亦殷周相對也知並是殷周喪拜者此云

三年之喪吾從其至明非三年喪者則從其順故知並是喪
拜但殷之喪拜自斬衰以下總麻以上皆拜而后稽顙以其
質故也周則杖期以上皆先稽顙而后拜不期杖以下乃作
殷之喪拜鄭知殷先拜而后稽顙周先稽顙而后拜者以孔
子所論皆先殷而后周今拜而后稽顙文在其上故爲殷也
稽顙而后拜文在其下故爲周也且下檀弓云秦穆公使人
弔公子重耳重耳稽顙而不拜示不爲後也若爲後當稽顙
而後拜也重耳既在周時明知先稽顙而后拜者若然士喪
禮旣是周禮所以主人拜稽顙似亦先拜而后稽顙者士喪
禮云拜稽顙者謂爲拜之時先稽顙其喪大記每拜稽顙者
與士喪禮同案晉語云秦穆公弔重耳重耳再拜不稽顙與
下篇重耳稽顙不拜交異者國語之文不可用此稽顙而后
拜即大祝凶拜之下鄭注稽顙而后拜謂三年服者此拜而
後稽顙即大祝吉拜鄭注云謂齊衰不杖以下者鄭知凶拜
是三年服者以雜記云三年之喪以其喪拜喪拜即凶拜鄭
又云吉拜齊衰不杖以下則齊衰杖者亦用凶拜者知齊衰
杖用凶拜者以雜記云父母在爲妻不杖不稽顙明父母歿
爲妻杖得稽顙也是知杖齊衰得爲凶拜若然雜記云三年
之喪以其喪拜非三年之喪以吉拜則杖期以下皆用吉拜
今此杖期得用凶拜者雜記所云大判而言雖有杖期摠屬

三年之內熊氏以爲雜記所論是拜問拜賜杖期亦屬吉
拜必知然者以鄭注大祝曰拜云三年服者是用雜記之文
解以凶拜之義則拜實拜問拜賜不得殊也且雜記問與賜
與於拜文上下不相接次不可用也周禮大祝一曰稽首鄭
云頭至地案中候我應云王再拜稽首鄭云稽首頭至手也
此即臣拜君之拜故左傳云天子在寡君無所稽首大夫於
諸侯亦稽首故下曲禮云大夫之臣不稽首則大夫於君得
稽首二曰頓首鄭曰頓叩地不停留也此平敵以下拜也諸
侯相拜則然以其不稽首唯頓首也三曰空首鄭云頭至手
所謂拜手也以其與拜手是一故爲頓首至手也此荅臣下之
拜其敵者既用頓首故知不敵者用空首四曰振動鄭云戰
栗變動之拜謂有敬懼故爲振動故尚書秦誓火流爲烏王
動色變是也五曰吉拜者謂先作頓首拜後作稽顙故鄭康
成注與頓首相近六曰凶拜者既重於吉拜當先作稽顙而
後稽首七曰奇拜鄭大夫云奇拜謂一拜也鄭康成云一拜
荅臣下然燕禮大射公荅再拜者爲初敬之爲賓尊之故再
拜燕末無筭爵之後唯止一拜而已八曰褒拜者鄭大夫云
褒讀爲報拜再拜也鄭康成云再拜拜神與尸九曰肅拜者
鄭同農云但俯下手今時揖是也介者不拜引成十六年爲
事故敬肅使者此禮拜體爲空首一拜而已其餘皆再拜也

其肅拜或至再故成十六年晉卻至三肅使此肅又謂婦人之拜故少儀云婦人吉事雖有君賜肅拜是也

孔

子既得合葬於防

言既得者少孤不知其墓。少詩召反下文同

曰吾聞

之古也墓而不墳

墓謂兆域今之封塋也古謂殷時也土之高者曰墳。墳扶云反

今丘也東西南北之人也不可以弗識也於

是封之崇四尺

東西南北言居無常處也聚土曰封封之周禮也周禮曰以爵等爲丘封之度

崇高也高四尺蓋周之士制。識式志反又如字處昌慮反之度本又作之數

孔子先反

當陷虞事

門人後雨甚至

後待封也

孔子問焉曰爾來何遲也

曰防墓崩

言所以遲者脩之而來。防墓防地之墓也庚云防衛墓崩

孔子不應

以其非禮。應應對之應

三。三息暫反又如字

孔子泣然流涕

曰吾聞之古不脩墓

脩猶治也。泣胡夫反涕音體

疏

孔子至脩墓。正義

曰此一節論古者不脩墓之事各依文解之。天子之墓一丈諸侯入天其次降差以兩。今主也東西南北之人也不知可以弗識也。今既東西南北不但在鄉若久乃歸還不知葬之處所故云不可以不作封墳記識其處。注周禮至士制。正義曰引周禮冢人云高四尺蓋周之士制者其父梁統雖爲大夫周禮公侯伯之大夫再命與天子中士同云周之士制者謂天子之士也。曰防墓崩。防地之墓新始積土遇甚雨而崩庾蔚云防守其墓備擬其崩若如庾之言墓實不崩鄭何以言修之而來孔子何以言古不修墓違經背注妄說異同非也。孔子泫然流涕。自傷修墓違古致令今崩弟子重脩故流涕也。○孔子哭子路於中庭寢中庭也與哭師同親之有

人弔者而夫子拜之爲之主也既哭進使者而問

故使者自衛來赴者故謂死之意狀。使邑吏反下及注同使者曰醢之矣時衛世子

蒯聵篡輒而立子路死之醢之者示欲啗食以怖衆。醢音海蒯若怪反聵五怪反蒯聵衛靈公之太子出公輒之父蒯公也篡輒初惠反輒出公名也遂命覆醢覆弄之不忍啗本又作啖待敢反怖音故反食。覆芳服

反注

疏

孔子至覆醢。正義曰此一節論師資之恩兼明

同。云師吾哭諸寢今哭子路於中庭故云與哭師同親之若其
不親當哭於寢門外與朋友同故下文據殷法也。注故謂
奔喪云師於廟門外者謂周禮也。正義曰案哀十五年左傳云孔子聞衛亂曰柴
死之意狀。正義曰案哀十五年左傳云孔子聞衛亂曰柴
也其來由也其死矣。則是預知所以進使者問故者以子路
忠而好勇必知其死難但不知其死之委曲更問之也。注
時衛至怖衆。正義曰案哀十五年左傳云蒯賁潛入孔悝
之家與伯姬迫孔悝於厠強盟之遂劫以登臺子路入逐之
至臺下且曰夫子無勇若燔臺半必舍孔叔大子聞之懼下
石乞孟縶敵子路以戈擊之斷纓子路曰君子死冠不免。
注云不使冠在地遂絕纓而死。曾子曰朋友之墓有宿草而不

哭焉

宿草謂陳根也爲師心喪三

疏

曾子至哭焉。正義曰曾子孔子弟

子姓曾名參字子輿魯人也宿草陳根也草經一年陳根陳
也朋友相爲哭一期草根陳乃不哭也所以然者朋友雖無
親而有同道之恩言朋友期而猶哭者非謂在家立哭位以
終期年張敷云謂於一瓜之內如聞朋友之喪或經過朋友

之望及事故須哭如此則。子思曰喪三日而殯凡哭焉若期之外則不哭也。

附於身者必誠必信勿之有悔焉耳矣三月

而葬凡附於棺者必誠必信勿之有悔焉耳

矣

言其日月欲以盡心脩備之附於身謂衣衾附於棺謂明器之屬。

喪二年以

爲極亡

去已久遠而除其喪。以爲極亡並如字極已也徐紀力反王以極字絕句亡作忘向下讀孫依鄭

作亡而如王分句

則弗之忘矣

則之言曾

故君子有終身之

憂

念其視

而無一朝之患

毀不滅性

故忌日不樂

謂死日言

忌日不用舉吉事

疏

子思至不樂。正義曰此一節論喪之初死及葬送終之具須盡孝子之

情及思念父母不忘之事今各隨文解之三日而殯者據大夫士禮故云三日也。凡附於身者謂衣衾也夫祀必求仁者之粟故送終之物悉用誠信必令合禮不使少有非法後追悔咎焉耳矣者助句之辭。三月而葬凡附於棺者必誠